

Beiheft.

[1221—1229¹⁾] Der münsterſche Domdechant befiehlt dem Pleban in Borken, den Ritter F., genannt Probst, zu ermahnen, das Stift Breden in dem Besitze des Zehnten zu Pröbſting nicht zu ſtören. [763

H[ermannus] Dei gracia maioris ecclesie in Monasterio decanus viro discreto magistro R. in Borken plebano salutem in Domino. Quia exigente iusticia decimam in Provestine, quam inter ecclesiam Vredhena et F. militem, qui dicitur Prepositus, coram nobis quomodo vertebatur, eidem ecclesie secundum discretorum virorum consilium per diffinitivam sententiam ad iudicavimus, discrecionem tuam rogamus attentius iniuncta nobis auctoritate precipientes districte, quatenus proxima die celebri post receptionem litterarum presencium supradictum militem ex parte nostri diligenter et efficaciter commonitum habeas, ne de cetero ecclesiam ipsam super eadem inquietare presumat. Qui si monitis tuis non acquieverit, excommunicacionis sententiam, quam ipso facto incurrat, si de cetero super ipsa decima sepedictam ecclesiam molestaverit, in ipsum auctoritate nostra non differas promulgare, ut quos Dei timor a malo non revocat, ecclesiastice saltem coerceat severitas discipline.

3. Kopie 13. Jhdts. auf der Rückseite des Originals von 1221.